

wurckē. Daren do wurdē engel. vogel. thier. vilsch.  
vnd allelei gestalt. Do was auch die eul vnd d̄ affe  
vnd eselsweiß; getragen zu mal sere lacht wir vnd  
wurden des fur dich gerumig. Do du zu paris; auff  
das gluckrat laszest auff d̄ heut tanzest. in der schw  
arzen kunst lernest vnd pānckst die teufel in ein selzā  
glas;. Do dich got beruffet in seinen rat zu gesprech  
vmb den val frauen eua. Aller erst wurdē wir deiner  
grofsten weißheit yn̄en. Het wir dich vor als wol er  
kant. wir hetten dir geuolget. wir hetten din weib  
vnd alle leut ewiglichē lassen leben. Das het wir dir  
allein zu eren gechan. wan̄ du pist zu mal ēy cluger  
esel.

**G**espott vnd uelhādlung müssen offte auff hal  
ten die leut durch der warheit willen. gleicher weiß  
geschicht mir. Vnmuglicher ding rumpt ir euch.  
vñ ungehorte werck wurckit ir gewaltes treibt ir zu  
mal vil gar ubel habt ir an mir gefaren. Das mut  
mich allzu sere. wan̄ ich dan̄ darumb rede. so seit ir  
mir gehellig. vnd werc zorns vol wer ubel thut vñ  
wil nicht unterrenig sein vnd straffung auff nemen  
vnd leiden. Sunder mit ueremut alle ding vercreibē  
der sol gar eben auff sehen. Das ym icht unwill dar  
nach begeine. Nempt peispil pei mir. wie zu kurz.  
wie zu langk. wie ungutlich. wie unrecht ir mir ha  
bt mit gefaren. Dennoch duld ich vnd rich es nicht  
als ich zu recht solt. Noch heut wil ich der pesser sēy